

東
華
續
錄

東華續錄

道光三十八

臣王先謙敬編

臣周澍蕃恭校

秋七月辛丑以徐士芬杜受田俱爲內閣學士兼禮部侍郎銜

翰林院侍讀學士遷

○丙午諭前因各親郡王貝勒貝子公等所屬哈喇阿

由俱

名數多寡不齊降旨令宗人府妥議章程具奏茲據該衙門查明將軍功王公及恩封王公所屬外旗佐領各數目分別開單呈覽道光二年曾特降諭旨嗣後恩封親王著撥給外旗滿洲佐領六蒙古佐領三漢軍佐領三郡王撥給外旗滿洲佐領四蒙古佐領二漢軍佐領二貝勒撥給外旗滿洲佐領三蒙古佐領一漢軍佐領一貝子撥給外旗滿洲佐領二蒙古佐領一奉恩鎮國公奉恩輔國公均撥給外旗滿洲佐領一蒙古佐領一該衙門並未隨時

查辦亦未纂入則例以致此次單開恩封各王公見有佐領數目仍復參差不齊自應照數增減以歸畫一至軍功世襲雖與恩封不同而所屬之哈嘜阿亦不可漫無限制所有軍功單內除輔國公恒明見無滿洲蒙古佐領崇錫見無蒙古佐領毋庸撥補外其軍功襲封之各親郡王應有佐領均著照恩封親郡王准給之數各加外旗滿洲佐領二蒙古佐領一漢軍佐領一輔國公應有佐領均著照恩封輔國公准給之數各加滿洲佐領一舊有逾額者查明裁撤不足額者卽予增添其恩封單內王公除貝子蘇岫輔國公載寬向無佐領毋庸撥補餘俱著照道光二年所定額數分別裁撤增添以符定制此次軍功恩封各王公名下裁去各佐領除見抵應添各處外著歸各該旗公存以備將來分封王公時撥給之用宗人府卽將此旨纂入則例永遠遵行至該衙門並未隨

時查辦於續修則例時又未將道光二年所降諭旨纂入實屬玩

忽所有歷任該管堂司各官著查明自道光二年十一月起在任

年月交部分別議處○丁未免直隸宛平等八縣坍沒地賦○戊

申刑部尙書鄂山卒贈太子太師賜祭葬○以寶興爲刑部尙書

蘇廷玉署四川總督劉韻珂爲四川布政使郭文匯爲廣西按察

使由山西河東道遷○辛亥前任刑部尙書史致儼卒贈太子太保賜祭

葬○王子以阿勒清阿爲左副都御史前任廣東布政使○戊午諭本日

據步軍統領衙門奏拏獲職官吸食鴉片煙已降旨將該員革職

並將販賣人等交刑部審訊矣吸食鴉片例有明禁官民蹈此惡

習已屬散法至於開館引誘設局營私尤爲可惡該犯等以開設

皮局爲名顯係影射販賣煙土招致無賴誑騙引誘輩數之下豈

容奸匪湊迹亟應嚴加整頓以挽頹風著步軍統領順天府五城

東華實錄

一體認真訪拏有犯必懲毋稍疏縱至各省官民人等吸食鴉片在所不免開館設局者亦所必有著各直省將軍督撫等飭屬嚴密訪查一經報官立即懲辦其省會地方商旅輻輳該奸匪等開館射利更所難免尤當加意偵察驅除淨盡以祛積習而儆兇頑

○王戊王楚堂以病免以趙盛奎爲倉場侍郎

由太常寺調遷

○戊辰申

定刺字盜犯改過緝盜例○以楊慶琛爲山東布政使王藻爲湖

南按察使

由廣東糧道遷

○己巳以梁寶常爲陝西按察使

由江南河道遷

八月己卯以二十一年 六旬萬壽詔開恩科於二十年八月舉

行鄉試二十一年三月舉行會試其鄉會試正科先一年舉行○

丙戌諭林則徐錢寶琛奏查拏煙販收繳煙具情形各等語鴉片煙流毒中國爲害已久見經該督撫等剴切曉諭嚴行禁止設局收繳煙具數月以來軍民人等咸知畏法該地方官等亦能力加

振作見在湖北省拏獲及首繳煙土煙膏共一萬二千餘兩收繳
煙槍一千二百六十餘桿湖南省報獲煙販十餘起收繳煙槍三
千五百四十餘桿均已分別劈毀所辦甚屬認真可見地方公事
果能振刷精神實心查辦自可漸有成效該督撫等惟當督飭所
屬乘機諭戒有犯必懲呈繳者予以自新隱匿者力加搜捕斷不
准始勤終怠日久視爲具文總期散靡積習立即挽回方爲不負
委任所有拏獲煙土爲數最多之湖北漢陽縣知縣郭觀宸著加
恩賞加知州升銜以示鼓勵○戊子致仕大學士阮元回籍加太
子太保○已丑成格以濫保屬員免以奎照爲禮部尙書恩銘爲
左都御史轉麟魁爲刑部左侍郎以善燾爲刑部右侍郎

由左副都御史

遷

○壬辰諭軍機大臣等據保昌毓書等奏哈薩克伊扎噶土等

率眾私越開齊潛入烏梁海土爾扈特等游牧搶奪滋擾派委官

兵前往驅逐等情各一摺哈薩克伊扎噶土等屢次潛入烏梁海
遊牧侵占草廠歷經驅逐不知悛改此次膽敢率領二千餘戶擾
害土爾扈特等處抗拒官兵不法已極自應調兵防堵驅逐出境
以安遊牧所有毓書調派杜爾伯特左右兩翼官兵一千名蒙古
官兵一千名及保昌奏調兵二千名俱著車林多爾濟帶往剿捕
保昌著無庸前往毓書著留於科布多彈壓地方轉運糧餉其由
屯田當差兵內抽調之六十六名並漢兵六十六名俱著留於科
布多以資防禦所有毓書派出之文武各員著車林多爾濟酌量
帶往差遣以專責成車林多爾濟務當相度機宜奮勇剿捕悉數
迅速驅逐出境以示懲創儆匪徒畏懼逃竄出卡亦不值深入窮
追致煩兵力毓書於轉輸糧餉各事宜是其專責尤當豫爲籌備
源源接濟毋得遲延如有貽誤惟毓書是問○大學士穆彰阿丁

母憂實治喪銀五百兩○是月給陝西安定府谷二縣災民口糧並緩徵府谷縣新舊額賦

九月丙午諭莊親王奕劻輔國公溥喜身爲王公輒赴尼僧廟內吸食鴉片煙實屬藐法無恥奕劻著革去王爵溥喜著革去公爵仍各罰應得養贍錢糧二年鎮國公綏順帶同妓女赴廟唱曲尙無吸食鴉片煙情事著革去公爵所遺和碩莊親王爵著宗人府卽將從前承襲支派內見在有無職任之人查明具奏其奉恩輔國公爵及不入八分鎮國公爵均著照例揀選承襲○丁未上閱健銳營兵○己酉諭鴉片煙流毒內地官民煽惑傳染日深前年太常寺少卿許乃濟奏請弛禁朕卽以爲不得政體本年鴻臚寺卿黃爵滋奏請嚴禁當降旨飭令直省將軍督撫各議章程昨復令大學士等會議朕於此事深加痛恨必欲淨絕根株毋貽遠

患並於召見內外臣工時詳加察訪從無一人議及弛禁者許乃濟冒昧瀆陳殊屬紕繆著降爲六品頂帶卽行休致以示懲儆○辛亥諭閣聖保等奏博番捆獻賊首解藏訊辦一摺此案賊犯朗札起意糾眾滋事戕害官兵實係渠魁阿旺蓋桑策忍札喜彭錯策坡均聽糾眾打仗劫營殺斃官兵罪不容誅所有朗札等五犯著卽行正法傳首犯事地方示眾以彰國法而儆兇頑其在逃之仁侵策旺等各犯著嚴飭下博窩頭人等查明存亡另行辦理毋任倖逃顯戮並清查附近博窩被擾地方妥爲安撫毋令一人失所至此次出征漢番官兵口糧賞需等項俱係捐辦著免其造冊報銷其打仗陣亡之番官番兵等家屬卽著開聖保等會同噶勒丹錫呼圖薩瑪第巴克什妥爲撫恤並查明打仗出力及捐備賞需之漢番兵弁分別奏請鼓勵所有單開善後章程該大臣等務

當實力奉行以期邊陲永靖毋得始勤終怠日久又成具文○戊午諭奕寶所遺王爵除奕寶親兄弟子姪不准揀選外著於譜內各支擇見有官爵人去得者揀選帶領引見溥喜所遺公爵著將溥吉載銘帶領引見仍准其承襲入八分奉恩輔國公縣順所遺公爵著將縣壽帶領引見○以成剛爲左副都御史由大理寺卿遷○庚申諭軍機大臣等寄諭兩廣總督邵廷楨廣東巡撫怡良本日據琦善奏見經天津鎮道等在大沽一帶金廣興洋船上拏獲煙土八十二口袋計重十三萬一千五百餘兩並取獲煙具軍械訊據奸商鄧然卽鄧繕水手郭吞等供稱鄧然係廣東三水縣人與南海縣人余暉順德縣人崔四福建龍溪縣人郭有觀卽郭王西各出資本在廣州府城外水西街萬益號有香山縣人李四經手向夷船代買煙土八十三擔每擔約一千五六百兩等語鴉片煙流

毒最甚見在天津地方於一船之內挖獲如許之多此外浸灌各省海口者更不可以數計既據該犯供稱買自夷船由香山縣人李四經手可見廣東奸民積慣句串外夷銷售煙土本省大小文武養奸貽患喪盡天良深堪痛恨著該督撫等密速派員將省城外水西街萬益號內香山縣人李四立即拏獲到案嚴行追究夥黨及代人員運次數逐一窮詰務得確情從嚴懲辦不得稍有疏縱致令兔脫尋奏查訊李亞彥卽李四莫亞三卽莫仕梁或假充經紀或私立字號代買煙土至數十擔之多莫仕梁應按律從重發往新疆給官兵爲奴李亞彥應革去監生發近邊充軍逸犯余暉等俟緝獲另結下部議從之○辛酉調錢寶琛爲江西巡撫裕泰爲湖南巡撫○乙丑諭軍機大臣等本日據車林多爾濟毓書奏驅逐哈薩克情形各一摺覽奏均悉哈薩克等烏合之眾見經

驅逐西去著仍遵前旨不必窮追車林多爾濟帶兵到彼察看情形如該匪等逃竄遠颺卽著陸續將所調官兵裁撤歸伍毋庸重煩兵力至毓書奏稱臺站兵丁每站四五人不敷差委著毓書卽於每站酌量再添數名毋許浮濫總當慎守邊圉示以鎮靜斷不可鋪張喜事勞師糜餉○諭把總外委兼襲雲騎尉照七品以下文職例具題請旨○吏部尙書朱士彥卒贈太子太保予祭葬諡文定○調湯金釗爲吏部尙書吳椿爲戶部尙書以龔守正署禮部尙書

由吏部侍郎兼署

○丁卯湖廣總督林則徐奏江漢安瀾隄防一

律鞏固仍當乘此水落之後飭屬查照盛漲水痕將各辦歲修工段及早估辦工料愈加堅實丈尺愈見高寬俾來歲捍衛有資得旨凡事若能如此有何不可挽回朕意在言外卿其善體朕心決意勉爲之○戊辰以已革莊親王奕劻族叔繇護襲爵○是月給

山東濰縣災民口糧緩徵山東濟甯等十七州縣山西隰州武鄉
二州縣災歉額賦

冬十月辛未召程銓來京以鄂順安爲湖北按察使

由駐藏幫辦大臣遷

○

丙子諭前據鴻臚寺卿黃爵滋奏河南汲縣潞州屯地方有墳塔
廟碑實爲邪教祖庭請飭查辦當降旨交錢福昌於考試衛輝府
時密行查訪並著桂良嚴密查訪旋據錢福昌奏衛輝府甫經過
考派親信子弟將該處情形查明具奏茲據桂良奏稱派委臬司
成世瑄親往訪查並將搨出碑文呈覽朕詳加覈對所稱均屬相
符惟錢福昌所奏較略係因汲縣知縣聞拏匪徒先將各碑無生
老母字迹剗鑿以致無從鈔錄該縣劉銘本旣已赴廟目擊情形
並不稟明該上司查辦乃遽將廟內碑碣字迹剗削是誠何心著
卽革職拏問該府知府耿省修亦不據實搨參著一併解任交桂

夏質訊有無情弊分別辦理其無生老母塑像以及廟塔著該撫卽派員全行拆毀並著桂良於本年校閱營伍時就近親至該處查驗屬實卽將墳墓平毀飭屬嚴行禁止軍民人等毋許再有聽信邪說煽惑人心等事以絕根株而安良善○乙酉兩江總督陶澍奏起獲窩頓煙土爲數甚鉅得旨嘉獎員弁升賞有差○丁亥賜郝光甲等四十五人武進士及第出身有差○諭武殿試一甲向取三人此次朕親加校閱一甲第三不得其人未便遷就符額用示朕覈實掄才之意○己丑以哈薩克賊匪遠遁命撤兵歸伍○丁酉閩浙總督鍾祥等奏先後擊獲出洋販賣煙土等犯嚴審定擬得旨早應如此嚴辦姑寬既往勿論嗣後務當嚴行督飭文武勸懲兼施無論興販吸食官兵百姓一概認真查辦斷不准仍前鬆懈海口尤當加意查緝務要認真禁止卿其勉力佐朕除中

國一大患也○戊戌裁葉爾羌領隊大臣缺○是月蠲緩直隸深
州二十三州縣江西南昌等二十二縣安徽壽州等三十四州縣
衛河南內黃等十一縣湖南澧州等八州縣衛奉天甯遠州被災
新舊額賦展緩湖北沔陽等二十二州縣災歉額賦

十一月壬寅嚴禁雲南種植罌粟○乙巳以李宗傳爲浙江布政
使邵甲名爲山東按察使

服闋按察使

○己酉諭鴉片煙流毒傳染日

深實堪痛恨屢經降旨飭令中外嚴拏懲辦乃近來此種痼習不
但軍民人等紛紛漸染卽世職官員竟亦相率玩法節據步軍統
領衙門查獲犯案之男爵特克慎候補鹽大使春齡伯爵貴明均
經分別按律治罪該員等身任職官輒敢蹈此惡習玷辱官常嗣
後文武官員軍民人等儻仍不知悛改一經查拏定行嚴辦決不
寬貸○賞還惇郡王縣愷紅絨結頂金黃蟒袍○庚戌 上詣

大高殿祈雪○王子諭凱音布等奏夷務實在情形請厚集兵力多籌糧餉以張捷伐一摺四川夷匪連年出擾屢經降旨飭令該將軍總督等或剿或撫認真妥辦該將軍等自當激發天良籌畫盡善爲一勞永逸之計乃因循數年徒事補苴糜餉老師邊陲未靖若使鄂山尙在必當重治其罪凱音布在彼多年始則隨同鄂山將就了事茲復會同蘇廷玉冒昧陳請速籌大舉此等小醜跳梁重煩兵力多糜糧餉殊屬不值且內地夷匪滋事從來無此辦法總緣積年經理不受日久愈費周章多歡親歷戎行所有會剿及善後事宜均屬責無旁貸張必祿由該處總兵擢任提督剿堵是其專責於該夷匪滋擾邊境剿辦既未淨盡防堵又未得宜該將軍等種種紕繆實屬有孤任使凱音布多歡張必祿均著交部嚴加議處多歡著拔去花翎蘇廷玉於防剿夷務情形未能籌畫

妥善復與凱音布連銜演請殊屬無能著降補四川按察使以示懲儆○以寶興爲四川總督恩銘爲刑部尙書裕誠爲左都御史調隆文爲戶部右侍郎恩桂爲吏部右侍郎松峻爲工部右侍郎德誠爲盛京刑部侍郎以柏葭爲盛京工部侍郎由內閣學士遷○癸丑諭湖廣總督兼兵部尙書銜林則徐頒給欽差大臣關防馳驛前往廣東查辦海口事件所有該省水師兼歸節制○以周天爵署湖廣總督鐵麟署漕運總督功普署倉場侍郎由兵部侍郎署○甲寅諭軍機大臣等前因琦善奏閩廣洋船因天津查拏鴉片嚴緊不能卸貨已有一百二十三隻起碇出口慮其前赴奉天月謀銷售咨明該將軍一體訪捕當有旨令耆英委員堵截以防偷漏迄今兩月有餘未據奏到本日復有人奏奉天地方近來兵民沾染惡習吸食鴉片其沿海地面如錦城之天橋廠海城縣之沒溝營田莊

臺蓋平縣之連雲島金州之貔子窩岫巖廳之大孤山數處海口
爲山東江浙閩廣各省海船停泊之所明易貨物暗銷煙土本年
九月間山東榮成縣所屬洋面搜獲商船一隻夾帶煙土一萬三
千四百餘兩訊係欲往奉天售賣可見該處煙販往來斷不止此
一起等語奉天乃根本重地風俗醇樸豈容染此澆風總由該地
方文武員弁不能認真搜捕以致外省奸徒膽敢前赴該處肆意
興販著督英接奉此旨務卽遴委妥幹員弁馳赴各海口會同該
州縣不動聲色密速查拏從嚴懲辦儻各該州縣仍前因循苟且
畏縮不前或任聽吏役人等得賄縱放以爲消弭地步一經查明
卽行指名奏參從重懲處斷不准意存徇隱化有爲無致干重咎
○丙辰諭軍機大臣等朕近年因鴉片煙傳染日深紋銀出洋銷
耗彌甚屢經降旨飭令該督等認真查辦但錮蔽日久恐一時未

能盡行破除若不清查來源則此患伊於胡底昨經降旨特派湖廣總督林則徐馳赴粵省查辦海口事件並頒給欽差大臣關防令該省水師兼歸節制林則徐到粵後自必遵旨竭力查辦以清弊源惟該省窯口快蟹以及開設煙館販賣吸食種種弊竇必應隨時隨地淨絕根株著鄧廷楨怡良振刷精神仍照舊分別查拏毋稍鬆懈斷不可存觀望之見尤不可有推諉之心再鄧廷楨統轄兩省地方事務殷繁若專責以查辦鴉片以及紋銀出洋恐顧此失彼轉不能專一心力盡絕弊端見派林則徐前往專辦此事該督自當益矢勤奮盡泯畛域應分辦者各盡己責應商辦者會同奏聞趁此可乘之機力救前此之失總期積習永除根株斷絕想卿等必能體朕之心爲中國祛此一大患也○丁巳 上再詣大高殿祈雪○諭昨因凱音布等辦理四川夷務未妥並冒昧

續陳當降旨將該將軍等交部嚴加議處茲據兵部等衙門定擬具奏凱音布在四川多年於剿捕事宜既未辦理妥協復會同蘇廷玉請兵請餉部議請將該將軍革職實屬咎所應得姑念凱音布究未親至軍營著加恩降爲二品頂帶拔去花翎仍帶革職留任八年無過方准開復蘇廷玉雖未親至軍營然身膺重寄不思籌畫萬全冒昧陳奏與凱音布厥罪維均業經降補臬司著拔去花翎仍帶革職留任八年無過方准開復張必祿多歡上年俱親往查辦將就了事以致夷情未靖著卽照部議革職張必祿留於該省交實興差遣多歡著卽回旗○甲子諭奕紀奏正白旗揀選佐領據參領福拉納稟稱副都統功普遣家人交伊私信名帖求將前鋒校吉慶選入引見功普身係二品大員揀選本族佐領自應秉公辦理乃率以私情公然屬託實屬孤恩膽大功普著卽革

職交軍機大臣會同宗人府刑部嚴訊福拉納吉慶著一併聽候

傳質○以德興爲兵部右侍郎兼署倉場侍郎琦琛爲泰甯鎮總

兵官

由內閣學士選

○乙丑諭昨因功普於正白旗揀選佐領給與參領

私書令向奕紀屬託求將前鋒校吉慶選入引見當降旨將功普

革職審訊本日據奕顯奏稱伊因吉慶平日在健銳營馬步箭俱

屬可觀見令教習伊子因向功普說知可否列入揀選等語奕顯

身係一品大員乃爲其子教習展轉屬託實屬孤恩病狂以公濟

私奕顯所有職任及各項差使著全行革去交軍機大臣會同宗

人府刑部一併審訊定擬具奏○以裕誠爲兵部尙書隆文爲左

都御史調聯順爲戶部右侍郎文蔚爲工部左侍郎以成剛爲盛

京兵部侍郎

由左副都御史選

○丁卯諭朕恭閱 皇考仁宗睿皇帝實

錄嘉慶元年二月欽奉 諭旨鑲黃旗都統查出該旗漢軍秀女

內有纏足者並各該秀女衣袖寬大竟如漢人裝飾著各該旗嚴行曉示禁止等因欽此仰見 皇考訓誡周詳允宜永遠遵守今相沿日久恐奉行不力又復視爲具文或致再蹈此等習氣不可不重申例禁加之整飭我朝服飾本有定制不惟愛惜物力亦取便於作事若如近來旗人婦女往往衣袖寬大甚至一事不可爲而其費亦數倍於前總由競尙奢靡所致至倣效漢人纏足尤屬違制此等惡習大約內務府漢軍及屯居漢軍旗人俱所不免於國俗人心關係甚鉅著八旗滿洲蒙古漢軍都統副都統等隨時詳查如有衣袖任意寬大及如漢人纏足有違定制者一經查出卽將家長指名參奏照違制例治罪儻經訓諭之後仍復因循從事不能實力奉行將來經朕查出或被入糾參定將該旗都統章京等一併嚴懲決不寬貸○是月賑陝西懷遠安定二縣甯古塔

三姓地方兵民口糧緩徵甘肅河州等十九州廳縣陝西懷遠等三縣江蘇高郵等五十八州廳縣衛墨爾根城等五處甯古塔三姓被災新舊額賦兩淮丁谿等四場浙江浦東下沙等場竈課

十二月戊辰朔貴州仁懷縣匪徒謝法真等滋事命伊里布勦之○己巳諭奕顥因正白旗揀選佐領輒將教習伊子之前鋒校吉慶名帖送交功普免求揀選引見以一品大員不知檢束恣意妄爲實屬狂謬膽大功普於奕顥私交名帖輒阿附尙書代爲展轉央求殊屬卑鄙見據敬敏等會同定擬具奏奕顥毋庸交宗人府議處其公爵卽行革去伊子三人自不應列入應封著卽扣除引見功普毋庸罰養贍錢糧奕顥功普均著發往盛京效力贖罪以爲大員徇私請託者戒所遺公爵著宗人府照例辦理○庚午諭在京各衙門堂官皆係朕簡擢大員受恩深重於一切應辦公務

及考察屬員賢否原當和衷商榷一秉至公方合同寅協恭之義
豈容徇情屬託以公濟私乃昨奕顥將前鋒校吉慶名帖送交功
普浼求揀選佐領膽大妄爲意存自滿功普身任侍郎與奕顥同
堂共事並無統屬何至甘受指揮不敢辭卻輒致書參領福拉納
令轉向奕紀代求是其委曲周旋尤屬卑鄙不堪已有旨將奕顥
功普革職發往盛京效力贖罪因思各部院尙書侍郎各旗都統
副都統等品級雖有等差其爲堂官則一遇有屬託公事何難破
除情面立爲駁斥若似此聽受指使展轉營求尙復成何事體見
在奕顥功普業已破案此外各堂官內瞻顧私情通同徇隱未經
敗露者能無心愧乎嗣後各部院八旗及大小各衙門堂官總當
屏除積習持正秉公概不准瞻徇人情自干咎戾儻經此次諄諭
之後再有蹈此覆轍者奕顥功普卽其前車之鑒經朕查出或被

人糾參定將該堂官加等治罪決不寬貸朕言出法隨勿視爲誥
誠具文也○辛未 上幸惇親王絳愷第賜奠○諭朕弟惇郡王
絳愷自六齡隨朕在上書房讀書友愛甚篤前經派管宗人府及
旗務諸事亦能盡職本年因事獲咎由親王降爲郡王昨加恩賞
還紅絨結頂金黃蟒袍伊年當富強方冀長承恩澤何意遽爾薨
逝聞之實深感惻著加恩賞還親王並賞給陀羅經被朕卽日親
臨賜奠並派總管內務府大臣阿靈阿辦理喪事所有一切事宜
均著官爲經理其餘飾終典禮著該衙門察例具奏尋予諡曰恪
○壬申諭昨因惇親王絳愷薨逝當卽親臨賜奠朕心感惻良深
本月十二日二十二日朕再行親臨賜奠用申篤眷並著四阿哥
五阿哥六阿哥於初六日前往祭奠十二日亦著隨朕前去二十
三日仍著阿哥等前往奠醑○乙亥 上再詣 大高殿祈雪○

丙子諭惇親王見無子嗣而近支無堪以承繼之人惇親王福晉著賞給郡王半俸以資養贍俟將來有可承繼者宗人府再行照例辦理○癸未諭軍機大臣等本日據鄂廷楨奏籌調師船將備聯幫駐泊洋面堵截民夷售私並水陸交嚴以除銅弊一摺著林則徐馳抵廣東後即將各該處情形悉心體察所有摺內所議駐洋守堵各事宜會同鄧廷楨通計熟籌務臻妥善覈實辦理○甲申允耆英奏添 永陵青椿並禁附近開採煤窯○丙戌 上再

詣 大高殿祈雪○丁亥以關聖保關福俱爲內閣學士兼禮部

侍郎銜

關聖保由副都統關福由伊犁參贊大臣遷

明訓爲左副都御史

由副都統遷

○己

丑諭回來秋審朝審人犯內緩決三次以上者人數積多每屆數年諭令刑部查明奏請分別減等以示法外之仁今自道光十六年查辦後至本年秋讞入緩決者又積有一萬一千六百餘名著

刑部將本年秋審朝審緩決三次以上各犯照節次查辦之例逐一查明所犯情節奏明分別減等發落以昭矜恤○庚寅諭前據姚元之奏前任江西巡撫裕泰奏參丁憂知府張寅各款按問不實迹近挾私當將原摺發交錢寶琛密加察訪茲據該撫逐款查明據實覆奏並請將裕泰姚元之一併察議張寅交部議處等語各省督撫大吏於所屬各員原當隨時查察遇有應劾之員立即專摺參奏方爲無忝此案裕泰於所屬知府張寅訪有物議奏請查辦本爲整飭官方起見迨經詳查各款或事出有因或訊無實據並不敢因參奏在先稍存回護是其前後所陳均無不合雖於同城屬員訪聞各款不先確切查明遽行入告未免迹同輕率而事屬因公並無挾私情弊裕泰著無庸交部察議至在京各部院大臣均有子弟親戚出仕外省若因督撫參劾紛紛陳奏則該省

各上司勢必意存瞻徇諸多掣肘此風斷不可長姚元之與張寅係屬姻親於該員被劾之案業經奏結後輒指該撫迹近挾私已屬臆斷卽所稱該員去任時百姓祖道甚多生員臚陳政績亦係外省常有之事何得以此遽定賢能是其冒昧瀆陳殊屬非是若非職司風憲例許建言必當加以嚴議姑念姚元之見任左都御史非無言責者可比著交部議處張寅於因公動用銀兩並未先行報明著該部仍遵前旨照例議處○移庫倫幫辦大臣駐科布多爲科布多幫辦大臣○辛卯實授費尙阿理藩院尙書○甲午諭蘇勒芳阿奏請將蒙古人戶移駐河北一摺青海察罕諾們汗一旗前因滋事驅逐過河見據該盟長車凌端多布等體察情形該旗近來被搶窮蹙該諾們汗年甫七歲懇請移駐河北等情加恩著照所請所有察罕諾們汗一旗著卽嚴飭貴德廳文武員弁

乘此水橋未泮將安分守法之人妥爲照料移過河北以示體恤該盟長等既情願承保著卽責成車凌端多布代爲管理並著隨時留心稽察如有滋事作賊之人混行移過惟該盟長是問○乙未諭本日據吏部奏遵旨照例議處請將姚元之降二級調用一摺在京部院大臣於外省督撫舉劾屬員本不容妄有干預左都御史姚元之以一品大員與南昌府知府張寅係屬姻親乃於該員被參之案指稱該撫迹近挾私並將該員去任時百姓祖道甚多生員臚陳政績代爲陳奏實屬冒昧非是若使事關重大必當嚴治其罪姑念姚元之究係言官且其所奏止爲張寅申辨其事尙小姚元之著照部議降二級調用以示薄懲○諭本日據伊犁布等由四百里馳奏官軍攻破賊巢並殲擒首從各要犯一摺所辦甚爲妥速可嘉之至此案貴州匪徒謝法眞假託降神捏造天

書聚眾謀逆偽封名號穆繼賢先爲困山大王嗣封川主統領眾
目抗拒官兵經伊里布等揀調兵弁親往督剿該逆等仍敢恃險
負嵎突出迎敵並於地道中暗放槍礮傷我兵丁余步雲及藩司
慶祿等籌添鐵裹擋牌及土囊柴草一切火攻器具統率兵弁四
面協攻竭一晝夜之力殺斃賊匪二百餘人並焚毀賊巢燒斃壓
斃之賊不計其數墜牆投池及自行縊斃者亦不下二三百人復
經各員弁分路撲攻四出搜捕合計殺獲首夥各犯約及千名其
首逆謝法真及穆繼賢袁明倫等均已就擒地方業已肅清該督
等悉心籌畫督率有方俾滋事匪徒全數就獲不至蔓延各處糜
餉勞師自應特沛恩施以示嘉獎伊里布著賞戴雙眼花翎仍交
部從優議敘並賞給玉搬指一箇玉翎管一箇雙眼花翎一支黃
辦大荷包一對小荷包四箇玉鼻煙壺一箇余步雲著晉加太子

太保銜仍交部從優議敘並賞給玉搬指一箇玉翎管一箇黃辦
大荷包一對小荷包二箇賀長齡在省督辦糧餉經理得宜著交
部議敘布政使慶祿著賞戴花翎仍交部從優議敘其川黔兩省
自總兵阿精阿張作功以下在事之大小員弁兵丁著該督擇其
尤爲出力者覈實保奏候朕施恩並將見在首先擒獲首要各犯
之員弁分別查明據實覆奏其陣亡各弁兵照例賜卹至署仁懷
縣知縣王鼎彝前因將穆繼賢哀明倫因案拏獲復行出外滋事
革職審訊仍著該督遵照前旨確切根究不得因見已藏事稍存
遷就○以興守正爲左都御史調廖鴻荃爲吏部右侍郎以杜受
田爲工部左侍郎

由內閣學士遷

○是月緩徵陝西葭州等十一州縣積

歉新舊額賦○是歲朝鮮琉球暹羅來貢○會計天下民數數各
省通共大小男婦四萬九百三萬八千七百九十九名口各省通

共存倉米數三千八十二萬八千八百四石四斗一升八合二勺

東華續錄

道光三十九

臣王先謙敬編

臣周瀚蕃恭校

道光十九年己亥春正月戊戌朔晉封惠郡王縣愉爲親王○甲寅諭鄉會試考官憑文取士中式者感其識拔誼等師生尙屬禮緣義起至新進士殿試朝考一經館選卽與閱卷官認師生已屬非是若京察一等大計卓異者概與堂官上司認師生受爵公朝拜恩私室甚非國家考績求賢之義至外省風氣州縣與府道認師生府道與督撫認師生種種夤緣皆由此起又安望其持正秉公各盡職守耶嗣後內外臣工總當守分勵品斷不准藉師生稱謂攀援干進部院大臣及各省督撫尤當正己率屬以人事君遇有藉端干謁者卽行屏斥庶屬吏共知敦品以杜奔競而肅官方

○壬戌申諭各衙門揀發河工學習人員不得以額外行走未經
奏留之員率行保送○以奎照氣體不充罷軍機大臣○癸亥諭
向來回子伯克每年朝覲九班輪流四川土司三年朝覲兩班輪
流在該伯克土司等輪忱展覲不敢告勞惟念萬里馳驅載塗兩
雪朕俯懷况瘁爲期未免過勤著加恩自道光十九年起回子伯
克年班改爲閒二年朝覲仍照舊九班輪流第一班著於道光二
十一年來京第二班著於二十四年來京此後照此辦理四川土
司年班改爲閒五年朝覲一次仍照舊班輪流第一班著於道光
二十四年來京第二班著於三十年來京此後均照此辦理用示
朕懷柔遠服體恤優加至意○甲子兩廣總督鄧廷楨等奏遵旨
力除鴉片共矢血誠俾祛大患得旨卿等同欽差大臣林則徐若
能合力同心除中國大患之源不但卿等能膺懋賞卽垂諸史冊

朕之光輝豈淺鮮哉而民生之福政治之善又非淺鮮諒卿等亦
不煩諄諄告誡也勉之勉之朕拭目待之此摺給林則徐看○是
月貸湖南武陵縣陝西葭州等九州縣甘肅固原等五州縣水旱
災雹災口糧籽種緩徵直隸深州等二十三州縣山東臨清等十
六州縣衛被災新舊額賦江蘇高郵等二十九州縣衛被災逋賦
二月丁卯朔鄧廷楨奏南澳洋面本非洋船經由之路近因中路
伶仃各外洋洋船寄碇之處守堵甚嚴先後有洋船八隻駛來拋
泊見經該鎮總兵親督將弁舟師逐去三隻餘仍遷延觀望復經
調集師船將該五船圍繞防範並諭以如再逗留定行開礮轟擊
各該船已向東南外洋駛去報聞○以李品芳爲內閣學士兼禮
部侍郎銜由詹事遷○己巳 上御經筵○庚午聯順緣事降調調善
齋爲戶部右侍郎以阿勒清阿爲刑部右侍郎由左副都御史遷○壬申

諭軍機大臣等據寶興奏川夷自道光十七年溜馬磱官兵失利後大肆鴟張千百成羣直撲村場市鎮肆行焚殺上年出掠經兵勇殺斃多匪亦有擒獲幾邊廳之十三支及干洛三溪有互傳木刻出擾之議見在四廳一帶原派防堵兵勇未便裁撤惟馬邊道路歧難防範較難請酌調精熟槍礮刀手兵五百名委已革提督張必祿帶往作爲遊兵在各路周歷儻有夷匪竊發卽出其不意用鵬勦之法轟擊一經逃竄無庸追捕等語四川省各路夷匪深恃懸巖斗壁往往出巢焚掠迨經官兵進剿輒復竄匿老林我兵不能進攻著如該督所議平時惟當妥爲防堵俟其出巢滋擾卽痛加剿戮如其逃竄入山亦無庸追捕務使該夷匪等知我備禦甚嚴受創數次自必不敢出山劫掠庶居民得以安堵而兵力亦不至重煩方爲妥善○壬午 御試翰林詹事等官擢李國杞四

員爲一等餘升黜留館有差○諭軍機大臣等據卽廷楨等奏籌議虎門海口枋造木排鐵鍊添置礮臺礮位分別繪圖貼說開單呈覽一摺虎門海口爲粵海中路咽喉通商番舶絡繹往來見在籌議海口章程自應妥爲布置以密巡防據該督等奏稱涉海登山周覽形勢請於橫檔山前海面較狹之處枋設鐵鍊木排並於威遠礮臺迤西建大礮臺一座安放大礮六十位以壯聲威所有估需各項銀八萬六千兩旣係洋商伍紹榮等情願捐辦著免其造冊報銷該督等卽飭催原派文武各員務於本年三月內將排鍊礮臺一律趕造完竣並將新添礮位如法製造其泗水兵丁由該提督關天培如數飭募隨時演習以期得力至排鍊等項每年修費及添設排鍊官兵月餉並排鍊礮臺各兵丁四箇月增給口糧春秋二操軍火賞號共歲需銀八千三百餘兩除商捐存銀三

千七百六十餘兩外尙不敷一歲之需著該督等另行籌款奏明辦理○丙戌諭軍機大臣等林則徐奏體察洋面堵截情形據奏見在躉船既經移動自須到處跟蹤即使該躉船駛出老萬山猶恐內海匪船前赴外洋勾結等語著林則徐卽親赴虎門澳門等處相機度勢通計熟籌務使內地匪船不敢潛赴外洋私行勾結嚴密巡防盡除錮弊方爲妥善俟中路辦竣再往東路察看機宜覈實辦理該大臣係特簡前往查辦大臣務須悉心籌議從容辦理不必急於蒞事要期除惡淨盡方爲不負委任○乙未諭前據御史周春祺奏江甯布政使唐鑑於江甯省城爲女建祠其胞弟唐紫玖見在省城並該司係屬病軀終年不去藥餌等語當降旨先後交福泰及湯金釗等查奏茲據湯金釗等勘明該省天界寺前有唐孝女墳冢碑坊並無建立專祠燒香聚會情事其壽星橋

房屋一所勘係該司故父祠堂唐紫玖先曾在內居住見已回籍亦無賃緣鑽刺等弊該司語言步履均無患病情形公事尙無廢弛惟於伊弟前來江省任令署外居住請旨交部議處各等語餘與福泰所奏大略相同唐鎮卽唐紫玖既經該尙書等查無倚勢招搖劣跡該藩司令在署外居住尙無不合著無庸議惟伊故父唐仲冕在江甯置有房屋建立祠堂唐鑑於簡放江甯藩司時不卽據實聲明伊女在伊江安糧道任內病故並不送回原籍輒借寺旁隙地營葬致招物議唐鑑著交部議處○是月展緩山西太原縣積欠額賦

三月己亥 上親耕藉田○諭自查禁鴉片煙以來各省紛紛具奏民間呈繳煙土煙具投首者甚多行之既久恐滋流弊不可不防其漸蓋呈繳之後地方官不復查察轉得優游吸食漫無顧忌

是寬縱一二人而效尤者將不止千百法令所由廢弛且朕聞煙膏煙具多有假造地方官或意在邀功貪多務得或心存避咎苟且塞責託收繳之名以售其蒙混之術其弊不可勝言國家矜憫愚民原欲開其自新之路該軍民人等果能革其舊染無難實力戒除何必呈繳煙具以自表其改悔卽如酗酒有干例禁如果改悔無難自行禁止亦從無繳出酒具之條嗣後各省拏獲吸煙人犯不准以呈繳煙膏煙具入奏其從前投首不實之犯仍著各督撫等嚴飭該地方官隨時查察如有再犯卽加重治罪以杜蒙混而歸覈實○庚子 上啓鑒謁 東陵○免經過地方額賦十分之三○辛丑吳椿以病免調何淩漢爲戶部尙書以陳官俊爲工部尙書調許乃普爲吏部左侍郎趙盛奎爲刑部右侍郎

由倉場侍郎調

○以龔守正爲禮部尙書廖鴻荃爲左都御史調李振祐爲吏部

右侍郎兼署倉場侍郎以徐士芬爲工部右侍郎

由內閣學士遷

○癸卯

上謁

昭西陵

孝陵

孝東陵

景陵

裕陵詣

端慧皇

太子園寢奠酒同鑾○命嗣後謁東陵禮成後並將大學士公

長齡開列奏請派員賜奠○乙巳陶澍以病免調林則徐爲兩江

總督未到任前命江蘇巡撫陳鑾署理以桂良爲湖廣總督朱樹

爲河南巡撫鄂順安爲河南布政使卞士雲爲湖北按察使

由長蘆鹽運使

○丙午 上幸南苑行圍○丁未諭前據黃爵滋奏請飭查

河南汲縣境內無生老母廟宇當有旨交桂良嚴密查拏按律懲

辦本日據桂良將全案人犯審明具奏又據片稱該省各州縣查

出無生老母廟三十九處俱係建自前明見已全行拆毀等語各

省地方淫祠假託荒誕不經名號聚眾燒香最易煽惑地方官果

能隨時查禁何至錮習相仍執迷不悟河南省習教重案屢經查

辦何以尙留餘孽膽敢重修祠宇肆無忌憚此皆從前不能認真查毀所致且恐該省見有淫祠亦尙不止此數著該撫嚴飭所屬留心訪察其境內如有此等廟宇立即拆毀毋稍徇隱至附近河南之直隸山東山西各處亦恐有此項祠宇著各該督撫等一體嚴查飭屬拆毀斷不准意存消弭致貽後患以正風俗而淨根株○庚戌諭前據步軍統領驛獲售賣鴉片煙土之于五等富有旨交刑部審訊茲據該部查明于五所供之人卽係伊子奕邁並將案犯袁全福袁文兒交出著刑部會同宗人府嚴行審辦其緣譽自請嚴加議處之處著俟定案時再降諭旨尋訊明于五照煎熬鴉片售賣例發邊遠充軍劉文祥照興販鴉片例枷號一箇月發近邊充軍傅大照爲從例杖徒奕邁因病買食應請革退鎮國將軍所犯杖徒照宗人府例折圍得旨奕邁著革去鎮國將軍其犯

杖六十罪著宗人府照實折打發往盛京圈禁餘依議縣譽著宗人府嚴加議處○辛亥 上還京師○乙卯諭本日據林則徐等由驛馳奏查辦躉船儘數呈繳煙土一摺所辦可嘉之至躉船私販煙土希圖脫逃經林則徐等截回躉船二十二隻起獲煙土二萬二百八十三箱該督等奏請酌賞茶葉之處著照所議辦理至此項煙土爲數甚多俟收繳完竣卽查明實在箱數派委明幹員弁解京以憑覈驗林則徐等查辦妥協自應量加獎勵林則徐鄧廷楨著交部從優議敘怡良豫堃關天培著交部議敘○諭果毓美奏豫籌備工需以防串溝隱患一摺又另片奏輒工得力省費情形等語著照所請惟其於北岸黃沁廳屬之馬營柴原兩隄南岸下南廳屬之祥符下汛陳留汛每廳各購輒五千方於情形險要之處酌量多寡分段堆貯備用凡所築土壩飭令工員用輒

擇要包砌此項甄價先由道庫墊發俟秋閒於奏請購石項下撥還歸款此外洋河曹考曹河糧河上南商虞各廳應先事豫防者著該河督隨時督率道廳妥商辦理並於查驗工料時認真稽察如工員購甄不實卽行嚴參著賠以重工需至用甄搶辦險工較鑲埽更爲便捷且較石價多寡懸殊錢糧節省又所占河面無幾不至有與水爭地之虞該河督旣確有把握朕卽責成辦理總期行之無弊方爲不負委任其應貯甄塊仍令向民間收買不必廳員設窯燒造之處亦著照所議辦理○諭軍機大臣等林則徐等覆奏堵截洋船情形請暫緩議斷互市及頒行各國檄諭等語所見是此次查辦海口防堵躉船各國業經遵繳煙土自應加恩准予照常互市以示懷柔所有斷絕茶葉大黃著暫緩置議其英吉利旣有在粵領事經該大臣等就近諭知辦理所有檄諭該國之

處亦著暫緩頒行統俟議定興販吸食各罪名頒行新例時於善後章程內另行詳細籌議仍遵前旨擬稿進呈再行頒發○林則徐奏呈進諭各國呈繳鴉片示稿本大臣既帶關防得便宜行事若鴉片一日不絕本大臣一日不問誓與此事相終始批覽及此朕心深爲感動卿之忠君愛國皎然於域中化外矣○以恩銘爲熱河都統隆文爲刑部尙書由左都御史遷○丙辰以鐵麟爲左都御史嗣德興爲倉場侍郎德春爲兵部右侍郎德誠爲盛京戶部侍郎以明訓爲盛京刑部侍郎武忠額爲左副都御史候補三品卿○丁巳武忠額以精力就衰休致以惟勤爲左副都御史前任吐魯番領隊大臣○以鄂爾端爲左副都御史由大理寺卿遷○庚申諭向來越南國二年一貢四年遣使來朝一次合兩貢並進琉球國開年一貢暹羅國三年一貢在各該國抒誠效順不敢告勞惟念遠道馳驅載塗雨雪

而爲期較促貢獻頗仍殊不足以昭體恤嗣後越南琉球暹羅均著改爲四年遣使來貢一次用示朕綏懷薄服之至意○壬戌諭前據林則徐等馳奏躉船鴉片盡數呈繳請解京驗明燒毀當降旨允行本日據御史鄧瀛奏稱廣東距京程途遼遠所繳煙土爲數較多恐委員稽察難周易啓偷漏抽換之弊等語林則徐等經朕委任此次查辦粵洋煙土甚屬認真朕斷不疑其稍有欺飾且長途轉運不無借資民力著毋庸解送來京卽交林則徐鄧廷楨怡良於收繳完竣後卽在該處督率文武員弁公同查覈目擊銷燬俾沿海共見共聞咸知震聳該大臣等惟當仰體朕意覈實稽查斷不准在事員弁人等稍滋弊混○諭軍機大臣等本日據鍾祥等奏拏辦臺灣滋事匪徒一摺此案匪徒胡布因謀反未遂膽敢勾通內山賊匪洪保等分立股夥並糾結街民蕭紅等爲內應

攻汛戕兵不法已極經該鎮道等帶兵馳往店仔口地方會商捕辦拏獲首夥十二犯審明正法辦理尙屬迅速惟未獲餘匪均已潛入內山若非盡力捕獲悉數就擒難保不勾結山內匪徒復出滋事著該督卽責成該鎮達洪阿督兵分路接捕務將竄往潛匿各匪卽日淨盡斷不准稍留餘孽以靖奸宄而絕根株○是月緩徵山西隰州等八州縣遭穀

夏四月丙寅朔諭軍機大臣等寶興奏夷匪出巢滋擾酌添防兵一摺上年雷波馬邊廳等處夷匪屢出擾害業經勦辦完竣何以本年二月閒復有焚掠等情據稱越嚮之西糾糾米吉施等支夷眾聽從馬邊等廳夷匪勾結是否有漢奸從中煽惑抑係上年勦捕未能淨盡根株該廳地方僻長數百里兵力單弱不足以資防堵著照所請酌添兵丁分段設守並飭令署提督桂明分派各兵

周密布置竭力防範相機勦堵齊慎早晚到任務當會同商辦總使夷匪知所儆畏永遠不出滋擾方稱妥善該夷匪等藏匿老林原不值重煩兵力深入窮追然兵集則逃兵撤復出相尋不已糜餉老師終非良策著寶興等悉心籌畫計及久遠不可徒顧目前意存姑息將就了事○調薩迎阿爲盛京戶部侍郎明訓爲盛京禮部侍郎德誠爲盛京刑部侍郎由盛京戶部調○辛未召魏元烺來京以吳文鎔爲福建巡撫調王植爲刑部左侍郎沈岐爲禮部左侍郎以王瑋慶爲禮部右侍郎由左副都御史還○甲戌諭據林鴻年等奏上年十月自琉球回棹該國王尙育懇請代奏令陪臣子弟四人入監讀書等語加恩著照所請所有該國陪臣子弟四人俱准其入監讀書用遂其觀光之志○丁丑調周天爵爲河南巡撫朱樹爲漕運總督○己卯 上詣 黑龍潭祈雨○庚辰林則徐等奏

洋船存貯鴉片二萬二百八十三箱前諭令駛至虎門陸續隨繳
剝船與躉船高下懸殊煙土起至一半躉船水迹浮高風信靡定
不免終日坐守見在所繳鴉片覈之原報數目已逾十分之八東
路南澳地方閒有數船至長山尾等洋遊奕雖經該鎮隨時驅逐
而旋去旋來其三板等船分載煙土駛往南澳亦不可不乘此機
關一槩招回悉數呈繳擬卽乘勢清理報聞○壬午諭鴉片煙流
毒日深自上年查禁以來京城內外各衙門拏獲各犯分別奏咨
交刑部審訊者不下數百起承審各員果能細心研鞠何難就見
獲人犯將煙土來歷興販夥黨及何處何人開設煙館同吸食者
共有幾人逐層根究朕爲天下除此禍患大小臣工宜如何仰體
朕意同心協力思所以肅綱習而挽頽風爾後刑部堂官惟當督
飭司員凡承審煙案總宜切實根追固不可累及無辜尤不可將

就結案務使人人畏法積弊全銷用副朕除惡務盡之至意○戊

子 上詣萬壽山

廣潤祠祈雨○以端華爲內閣學士兼禮部

侍郎銜

田頭等侍衛通

○庚寅以帥承瀚爲左副都御史

由通政使遷

○甲午

准致仕大學士盧蔭溥致仕尙書李奕疇重赴鹿鳴宴晉盧蔭溥太子太傅加李奕疇太子太保

五月己亥王大臣等會議查禁鴉片章程三十九條一沿海奸徒開設窯口勾通外洋囤積鴉片首犯擬斬梟爲從同謀及接引護送之犯並知情受雇船戶擬絞監候該管官知情故縱者革職失察者分別議處一沿海員弁兵丁受賄故縱擬絞立決知情徇縱俱發往新疆官弁充當苦差兵丁爲奴失察者分別議處兵丁杖徒一合夥開設窯口並合夥興販者以造意爲首餘俱以爲從論一沿海奸徒寄存洋船煙土照開設窯口從犯治罪一官役擊獲

販煙吸食之犯得財賣放者與犯同罪。贓重者計贓以枉法從重論。失察之該管官分別議處。一收禁人犯如有禁卒人等將鴉片煙私行傳遞或爲代買者發極邊煙瘴充軍。其解遞之犯解役人等有犯前項情弊發近邊充軍。贓重者計贓以枉法論。失察之該管官分別議處。一兵役匪棍以查煙爲由肆行搶奪並挾讎誣賴者俱發極邊充軍。贓一百二十兩以上者爲首擬絞監候。失察之該管官分別議處。一鴉片煙案內流罪以上人犯告稱留養者槩不查辦。一事未發而自首者免罪。聞拏投首者減一等。首後復犯加一等治罪。一吸食之案止准官弁訪拏不許旁人訐告。一開設煙館首犯擬絞立決。從犯及知情租屋者發新疆給官兵爲奴。兵役包庇與犯同罪。有贓計贓准枉法從重論。失察之該管官分別議處。一栽種罌粟造製煙土及販煙至五六百兩或與販多次者

首犯擬絞監候爲從發極邊煙瘴充軍與販一二次數不及五百兩者爲首發新疆給官兵爲奴爲從發邊足四千里充軍兵役賄庇與首犯同罪賊重者計賊以枉法從重論其知情租給房地之業主受雇之船戶一年以外者發邊遠充軍一年以內杖流半年以內杖徒州縣官知情故縱者革職永不敘用失察之該管官分別議處一栽種罌粟尙未製煙售賣及收買煙土煙膏未售賣者爲首發極邊煙瘴充軍爲從杖流一吸煙人犯均予限一年六箇月限滿不知悔改無論官民槩擬絞監候一平民吸煙在一年六箇月限內者擬杖流如係旗人銷除旗檔一體實發一在官人役並官親幕友一年六箇月內在署吸煙者照平民加一等治罪該管官知情故縱者革職失察者降調一職官吸煙在一年六箇月內者發新疆充當苦差一兵丁吸煙在一年六箇月內者發近邊

充軍該管官知情故縱者革職失察者分別議處一開設煙館栽種罌粟製煙興販首從各犯除見擬死罪外其餘俟一年六箇月後均擬絞監候一吸煙人犯雖經改悔戒絕但有存煙灰者杖一百一製賣鴉片煙具者照造賣賭具例分別治罪失察及拏獲之該管官分別議處議敘一同居子弟有吸煙者家長照不能禁約子弟爲竊例治罪一職官因吸煙發往新疆者槩不准各城大臣因事保奏一宗室覺羅吸煙者發往盛京駁加管束如係職官及主公均革職革爵發往盛京永不敘用如犯在一年六箇月限滿後者照新定章程加重擬絞監候宗人府會同刑部恭進黃冊請旨一太監內如有從前吸食者限一箇月內自首免罪再限三箇月內令總管太監認真接查如有收藏煙具者審明從重治罪如三箇月限滿半年以內有在禁門以內各值房吸食者均擬絞監

候在外圍值房吸食者枷號六箇月發極邊煙瘴永遠枷號遇赦不赦失察之總管首領及同屋太監奏請分別降革治罪如係首領吸食均照禁門以內新擬罪名辦理失察之本管總管奏請分遣究出販煙之人同罪若係民人交刑部加等治罪至陵寢首領太監等有吸食者照外圍辦理其王公門上及各大臣宅中之太監等有吸食者交慎刑司永遠枷號不赦如半年以後仍有吸食在宮門以內者擬斬監候外圍等處及陵寢當差並王公門上大臣宅中並已爲民太監等擬絞監候各項失察處分仍照前議辦理一洋商住澳住行賣貨完竣卽飭遵照定限起程如逾限久留照違制律治罪一官兵查拏鴉片煙遇有大夥拒捕者准放鳥槍格殺勿論一銷燬煙土令督撫親驗真僞以防偷換一沿海各省洋船進口督撫派公正大員實力接查一各省海關監督於

洋船帶煙進口知情縱放者革職失察者分別議處一各省拏獲煙犯將由何處購買何人包庇護送及經過地方逐一根究分別懲辦該管官受賄故縱者革職治罪知情者革職失察者分別議處一拏獲吸煙人犯承審官徇情開脫照故出人罪例治罪一吸食已戒平民例得免罪惟職官爲民表率如曾經吸食者均勒令休致一拏獲囤積興販各犯無論鄰境本境均准給予議敘仍分別送部引見一訪獲吸食者亦准酌請議敘一在京各衙門及外省督撫將吸煙之員列入京察卓異即將原保舉官議處一京城地面五方雜處稽查尤應嚴密應責成步軍統領衙門順天府五城隨時訪察仍嚴禁番役等訛索擾累一各省保甲飭地方官認真編查如牌長有受賄知情等弊一體懲辦一地方官朔望宣講後即將吸食鴉片之害傳齊眾人明白宣示庶父誡兄勉咸知自

愛奏入得旨上年黃爵滋條奏鴉片積弊請旨設法嚴禁當交各將軍督撫等各抒所見妥議以聞嗣經陸續奏到並據科道等官先後條陳特降諭旨交大學士軍機大臣會同各該衙門議奏茲據詳議章程會同奏入朕詳加披閱尙屬周妥俱著照所議辦理並著纂入則例永遠遵行各該衙門卽速行刊刻頒發各直省將軍督撫等轉行所屬地方文武員弁一體遵照明白出示曉諭咸使聞知朕惟姑息非所以愛民明刑卽所以弼教鴉片來自外洋日甚一日兼以內地栽種罌粟影射漁利軍民人等受其毒者始則被人引誘繼乃習爲泛常甚至蕩產戕生罔知悛改關係於人心風俗者甚鉅若不及早查禁永杜弊端則傳染日深其害伊於胡底朕惻癉在抱欲爲天下除此後患不憚再三訓誡特議刑章以期易俗移風還淳返樸因思海販窰口實爲禍首罪魁儻非一

律從嚴概置重典不足以防偷漏而塞來源至吸食之弊一日不斷則興販之來一日不絕亦不得稍從寬宥今定以死罪立限嚴懲此外種種流弊尤應隨時隨地實力稽查歷久不懈庶幾根株淨盡力挽澆風惟是有治人而後有治法該將軍督撫等果能早爲查辦何至流毒如今之甚朕姑寬其既往自此次明定章程以後其各激發天良湔除積習同心協力仰體朕懷爲民除害其有不肖屬員諱飾不辦者立即據實嚴參重治其罪儻仍意存玩泄視條教爲具文或畏難苟安或始勤終怠則是甘心翫法自喪天良朕言出法隨決不寬貸其各懍遵毋忽○庚子諭內閣紫禁城內值班王大臣例應於辰刻進內接班其出班之人應俟接班者進內面行交替始准散歸茲據濟克默特奏本月初五日應行接班之王大臣內共有五人遲至申刻甫經到班殊屬玩誤所有是

日進六班之公永康內大臣常喜文職全慶武職常恆散秩大臣
侯張渚著交各該衙門先行嚴加議處並著濟克默特將是日出
班之王大臣等何人於何時散值是否守候進班之人進內始行
出班逐一查明據實具奏至是日出班之慶郡王奕綵侍郎溥治
副都統連貴內大臣肅親王敬敏散秩大臣書桂何時出班曾否
面見永康等交替因何不行參奏之處著各行具摺明白回奏○
辛丑雨○予告大學士盧蔭溥卒晉贈太子太師命成郡王載銳
奠茶酒賞銀一千五百兩治喪入祀賢良祠予祭葬諡文肅賞其
孫光燮舉人○壬寅諭昨因禁地內值班大臣進班遲誤並著出
班之王大臣將是日曾否面見永康等交替因何不行參奏之處
各行具摺明白回奏茲據奕綵等回奏未經守候交替遽行先散
屬實惟濟克默特進班時中山亦已先散以禁城嚴肅之地該王

大臣等竟敢不候交替任意紛紛散值實屬膽大違制咎無可辭
慶郡王奕綵侍郎溥洵副都統連貴內大臣肅親王敬敏散秩大
臣書桂前鋒統領中山均著交各該衙門嚴加議處至濟克默特
於中山未經守候交替遽行先散之處不行參奏本應嚴議姑念
是日進班尙早且此次奕綵等五人均係該貝子指參僅於中山
早散未及參奏其咎稍輕濟克默特著交該衙門議處○達洪阿
等奏按捕臺灣內山逆匪全竣○乙巳諭昨因紫禁城內值班王
大臣於出班進班不遵定例任意遲早並有應參不參等情當降
旨將該王大臣等交各該衙門分別嚴議議處茲據各該衙門遵
照嘉慶十九年 諭旨請將該王大臣等爵職一併斥革實屬咎
所應得惟念年歲久遠積習相沿恐以前曠班者尙不止此數人
若但將永康等懲治轉不足以昭平允姑從寬免其斥革予以薄

懲永康著罰公俸六年覺羅常喜著革去副都統並一切差使仍
罰世職俸四年張瀆著革去散秩大臣仍罰侯俸四年慶郡王奕
綵著退出內廷行走仍罰王俸六年肅親王敬敏著革去宗令內
大臣仍罰王俸六年書桂著革去散秩大臣仍罰侯俸四年常恆
全慶溥治連貴中山俱著降二級調用濟克默特著加恩改爲降
四級留任不准抵銷○丙午以關聖保爲禮部右侍郎由內閣學士遷○
以倭什訥爲兵部左侍郎已革侍郎○軍機大臣等奏議覆欽差大臣
林則徐請定洋人攜帶鴉片煙土入口售賣治罪專條擬請此次
洋人如帶有鴉片煙入口圖賣者爲首照開設窩口例擬斬立決
爲從同謀者從嚴擬絞立決由督撫審明交地方官督同洋人頭
目將各犯分別正法起獲煙土全行銷燬仍行文兩廣總督以奉
文之日爲始予限一年六箇月如於限內將煙土全數呈繳者免

其治罪從之○戊申諭本月初五日禁城內值班王大臣等進班
出班均未面行交替本應遵照嘉慶十九年諭旨槩行斥革姑
念歲久相沿幾成積習此外未經發覺者當不止此數人是以恩
寬格外量予薄懲因思該王大臣等散歸太早入值較遲皆係怠
惰習成性耽安逸朕何難恪守前謨立予罷斥惟伊等咎由玩
愒若竟置身閒散轉得遂其偷安自便之私故不令廢棄終身俾
可贖前愆而圖後效嗣後該班之王大臣等如輪應進班借詞推
諉曠誤不到及出班之人容隱不奏俱仍照嘉慶年間諭旨革
去爵職決不寬貸其進班遲延已逾辰刻及出班之人彼此未經
面晤卽自散歸並容隱不奏者均酌量情形倣照此次辦理該王
大臣等惟當各勤職守夙夜在公毋得日久玩生仍蹈故轍並著
將此次諭旨各錄一道懸挂該班處所俾觸目儆心共知戒懼○

辛亥諭刑部清釐庶獄○壬子諭朕因鴉片煙流毒傳染日深已成錮習若不及早爲民除害伊於胡底見在廷臣遵旨會議嚴禁章程已頒發各直省遵行矣該官民人等咸懷王章遷善改過自不難湔洗舊習革除前非共享生全之樂藉免刑戮之加卽各地方官亦不難懷遵新例認真查辦悔過者予以自新怙惡者不令倖免但積習相沿已非一日若數月之間遽使各省一律肅清恐不免有諱飾等弊故予限一年六箇月俾查拏不至遺漏而改悔亦不甚難及至限滿仍復藐法是自外生成無可顧惜置之重典尙復何詞此朕愛民之心先德後威中外所共覩也惟官民人等皆朕赤子旣欲衛其生而除害不能不視其死而垂憐況法立如山再三申諭將來限滿後再犯者必難倖邀寬典朕甚憫焉著各省大吏趁此儆動之機振刷精神認真查辦務將興販吸食各犯

悉數破案照例懲創此時限內多獲一人卽將來限外多貨一命切勿因循懈怠視爲具文儻該地方官等姑息養奸除莠不盡日後該犯等身羅重典乞貸無從是該大吏以民命爲輕朕亦斷不寬恕也○戊午以馮芝爲內閣學士兼禮部侍郎銜由詹事遷○壬戌諭軍機大臣等林則徐奏外國商船來粵貿易必在該國請領牌照頒給禁約方准駛入內洋乃近來英吉利港腳地方夷人並未領照經商往往偷渡越竄並因中國員弁遇有違禁來洋船隻不過驅逐而止虛張聲勢以槍礮相恐嚇該大臣等奏請遇有此等越竄船隻卽令師船奮勇剿除及雇募善泅駕船載草備帶火器立住上風漏夜乘流縱放之處著林則徐鄧廷楨體察情形相機籌辦務使聞風懾服亦不至驟開邊釁方爲妥善○是月賑雲南浪穹鄧川二州縣地震災並本年額賦緩徵山東臨清等二十七

州縣衛歉收新舊額賦山西吉州等九州縣倉穀

六月丙寅諭總督統轄兼圻責任重而體制嚴所有關防尤爲緊

要鍾祥赴泉州府閱伍講習武備衆所觀瞻宜如何外示嚴明內

存敬慎况關防係隨時攜帶之物並非照料難周何至匪徒在其

住屋偷竊如入無人之境儻卽時人賊並獲嚴行懲辦尙可從寬

乃日久無獲是該省吏治武備廢弛已可槩見鍾祥著卽照部議

革職○以周天爵爲閩浙總督牛鑑爲河南巡撫裕謙爲江蘇布

政使張晉熙爲江蘇按察使

由浙江鹽運使遷

○戊辰諭國家經費有常

度支有節凡各省應納之賦及其餘稅課均於徵收後隨時入撥

報解不容絲毫短少所以重帑項而權出入茲據戶部查明積年

漸欠延欠頻仍綜計欠解銀數除鹽務懸引未完及帑利等款准

其分別展緩外其餘拖欠有二千九百四十餘萬兩之多若不亟

加整頓何以備度支而裕國用著各直省督撫將軍府尹鹽政監
督及該管司道等認真稽考將未完各款逐一清理應解者按限
提解應撥者趕令入撥如查有州縣彌縫掩飾等弊迅卽嚴參示
懲斷不准通融隱飾將就目前經此次查辦之後儻仍延宕不完
一經發覺定將各該管大吏重懲不貸○庚午大學士軍機大臣
等議覆四川總督寶興籌議防邊章程五條一添兵額以資防禦
查馬邊等廳縣原設兵額四千一百一十三名實形單薄應如該
督所請於該省營務稍簡之處抽撥額兵二千名分駐馬邊雷波
越嶲戎邊屏山各廳縣並添募練勇一千六百名妥爲防堵一改
營制以資控馭查馬邊廳原設遊擊守備各一員越嶲雷波各廳
均原設參將都司守備各一員戎邊廳原設參將一員守備二員
勢難兼顧應將綏定協副將改爲馬邊協副將綏定協中軍都司

移駐三河口作爲馬邊協中軍都司三河口守備移駐煙峰汛作爲右營守備大昌營守備移駐該廳作爲存城守備卽以馬邊營遊擊改爲綏定營遊擊綏定營右營守備作爲綏定營中軍守備其大昌營地方安靜改設千總一員亦可無誤越雋廳之大菩薩等處以建昌鎮左營遊擊守備移駐巡防以南坪營都司移駐我邊廳之麻柳壩以松潘鎮右營都司移駐南坪營以青雲營守備移駐雷波廳之三校岡以小河營守備移駐屏山縣之茨竹坪其青雲小河兩營改設千總把總分駐足資彈壓所有馬邊等四廳暨屏山縣移增各協營均定爲三年邊俸題調要缺一築礮堡以嚴保衛修築礮堡最爲安民要務各廳縣多修堡寨務使附近散處民人遷居堡內其村場市鎮依山傍水周圍環砌垣外挖深壕堡內丁民責令團首督率教演官給烏槍擡礮定期校閱分別賞

罰無事則耕作營貿有警則閉柵登陴足資守禦一定巡查以壯聲威每年春夏之交請飭建昌道前往越嶲戡邊等處永甯道前往馬邊雷波屏山等處均各巡查一次秋冬之交由建昌鎮提督分赴巡行以重邊防一優獎勵以昭激勸見在馬邊越嶲兩廳同知撫邊緊要應俟三年俸滿以升銜留任再滿三年准題調選三項知府升用其戡邊雷波兩廳通判三年邊俸期滿准其應題應調同知直隸州知州升用從之○庚辰李恩繹以病免以陸費瓊爲廣西布政使金應麟爲直隸按察使由鴻臚寺卿遷○丁亥太子少保前任兩江總督陶澍卒晉太子太保入祀賢良祠予祭葬諡文毅賜其子枕主事○戊子諭匿名文書告言人罪拾獲者將帖銷毀不准具奏定例恭嚴近來人心叵測明知匿名者例不查辦因而假託姓名臚列款蹟希冀拾獲之人不敢隱匿得遂其污蔑陷害

之私此等鬼蜮伎倆較之匿名揭帖尤爲陰險嗣後內外大小衙門遇有此等揭帖投遞者業已潛匿卽照拾獲匿名揭帖之例當堂銷毀仍將投帖之人訪拏懲辦至士民編造歌謠詆毀地方各官者務將編造之人密速訪拏從嚴懲治○辛卯調周天爵爲湖廣總督桂良爲閩浙總督○是月展緩直隸深州等七州縣逋賦